



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 179. Vt crucifigeretur. v. 26.

urn:nbn:de:hbz:466:1-45515

morem Romanæ gentis & humanae mentis crudeliter tractari & flagellari voluisti per totum corpus tuum? O Iesu, ut in eo esset fractura super fracturam, vulnus super vulnus, sanguis super sanguinem, & non esset tibi species hominis neque decor, ut punientem peccata in corpore meo, quibus adhuc flagellor ora die per concupiscentias pravas corporis tui o homo & ambitionem levilem mentis tuae. Peccat ergo iniquus & homo punitur iustus, quod perpetratus servus exoluit dominus, quod committit homo hoc sustinet deus. quo natus Dei, quo tua descendit humilitas? quo tua flagravit charitas? quo tua processit pietas, quo pervenit compassio? Ego inique egredi pœna multataris, ego facinus commisi in ultione plebeioris, ego superbui tu humiliaris. Ego inobediens existi, tu in omnibus obedientissimus inobedientiae scelus luis. Ego uiam acerbam comedи & dentes tui obstupuerunt, O ineptabilis Dei benignitas qua effectum est ut tam charæ redimeremur. O mirabilis censuræ conditio & ineffabilis mysterii dispositio.

O Iesu nudate, o Iesu ligate, o Iesu flagellate applica obsecro mihi misero peccatori merita tuae nuditatis ut erubescam denudari ob culpam; ligationis, ut tibi continuo alligatus maneam per veram fidem, spem firmam, charitatem perfectam, & obedientiam; flagellationis, ut & ego libenter & patienter flagella Dei feram.

S. 179. Ut crucifigeretur. v. 26.

Dubium esse potest hoc loco an Christus fuerit a Pilato flagellatus postquam fuerat ab ipso condemnatus ad mortem crucifixionis: quod ut factum sit, certe salutis nostræ causa factum est, ut & ante, quod verbere tantum atrocitate leniret feroce Iudeorum animos & fleceret, & sic emendatum dimitteret, sed cum nil posset proficere apud dura Iudeorum corda, tandem pronuntiavit sententiam mortis, & ut ipsemet scripsit Tiberio Cæsari teste Orosio l. 7. hist. c. 4. ob importunitatem Iudeorum quos compescere aliter non potuerit. Alias enim fuisse virum sanctum & divinum &c. igitur ex ipsius Iudicis Pilati confessione spontanea, condemnatus fuit ab eo in hoc suo iniquissimo iudicio Christus Deus noster, in quo palam accusabat eum in iudicio, testificabatur odium, condemnabat ambitio, plecebat crudelitas. Nec sine mysterio ad mortem Crucis eum condemnabat, ut hac ratione Mors Christi omnibus innotesceret, si eminenter in monte, & in ligno super montem elevato contingeret. Ibi abscondita erat fortitudo eius, quia cum putabatur impotentissimus esse, utpote affixus, potentissimus erat, dum ibi commovit terram, obscuravit solem, aperuit monumenta, sciidit Petras, movit ad pœnitentiam corda asiantium. Sed & ibidem gloriostissimus

fissimus erat, quia regnare cœpit à ligno, trahens ad se omnia. O Pilate ubi nunc est potestas tua quam dicebas te habere ad dimittendum & crucifigendum? Timor est potestas tua. times perdere gratiam Cœsaris, times perdere bona temporalia & honores, hæc erat tua potestas.

REx magne Deus noster fortis, & omnipotens, amici tui potentes sunt non inimici, quia cum nil possidere velint in hac vita, nisi quod ipsis competit ex iustitia, ideo non timent perdere omnia propter te visibilia & caduca, ut invisibilia & æterna recipiant. Hinc illi nimis honorati sunt, umbra sua sanarunt homines, verbo exercent claudos, &c. Pilatus autem & omnes similes ei revera valde imbecilles sunt, à vermis consumpti sunt.

§. 180. Tunc milites praesidis suscipientes Iesum in pratorio. v. 27.

Audita hac lalentia crucis Christi à Præside, & data licentia ad flagellandum primo, vidisses undique accurrentes, quasi rabidos canes ad prædam vel ut apes ad pungendum melle illitum, milites circumdantes Iesum, & manum applicantes & dirè religantes, quid enim aliud erat expectandum ab instigatis & emptis ad vindictam per Iudeos, quam ut omnem modum crudelitatis possent in eo exercere, quem ut Iudeum oderant gentiles, & ut iocularem Regem gaudebant irritare, ut olim possent iactare, se Regem aliquem in Iudea flagellasse. Igitur suscipientes eum è manibus praesidis suas (ò duras manus!) non suscipiebant modo, sed trahebant, nec trahebant, sed trudebant ad locum castigationis sc. atrium quoddam. ò quot pugnis interea onustus fuisti mi Salvator! & quis te ita inhumaniter suscepit, traxit, pugnis exceperit, nisi ego per continua, cheu, peccata mea, & tu pateris, nec contradicis verbum!

ODulcissime Iesu quis sum ego? vilis homuncio, indignus peccator! ut pro me annihilari velis & tam crudelia sufferre. quam pretiosa, quamque chara est ergo in oculis tuis anima mea, pro qua tam insigne das pugnis. Corpus scilicet tuum inimicis tuis non ad conversationem civilem, sed ad tractandum sicut ipsis volunt inhumanissime. ò amor Dei mei! ò pretiosus thesaurus, quo me redemisti, æterne Salvator! quam me ab æterno dilexisti! ut pro me ira volueris vulnerari, conteri, affligi, pungi, excruciarri, etiam potius extingui, quam me perire sineres.

O Salutaris hostia! quid retribuam tibi pro omnibus quæ retribuis mihi? en ego me ad te converto, te ferventer redamandi cunctaque, quæ me à tuo possidente amore abstrahere, evitandi affectu, ac desiderio accedo, quo unus tecum effici merear affectu, voluntate & amore, enim vero spes mea omnis, consolatio & refugium meum tu deinceps eris.

§. 181.